



საქართველოს მთავრობის განკარგულება

№627 2016 წლის 15 აპრილი ქ. თბილისი

საქართველოსა და რეკონსტრუქციისა და განვითარების საერთაშორისო ბანკს (IBRD) შორის 2014 წლის 3 სექტემბერს გაფორმებული სასესხო ხელშეკრულებით გათვალისწინებული 220 კვ საპაერო ელექტროგადამცემი ხაზის „ახალციხე-ბათუმის“ მშენებლობის პროექტის II სეგმენტის პირველი სექციის (კმ 0 - კმ 7.7) განხორციელებასთან დაკავშირებით გასატარებელი ღონისძიებების შესახებ

1. ცნობად იქნეს მიღებული საქართველოს ენერგეტიკის სამინისტროს მიერ წარმოდგენილი ინფორმაცია, საქართველოსა და რეკონსტრუქციისა და განვითარების საერთაშორისო ბანკს (IBRD) შორის გაფორმებული სასესხო ხელშეკრულების (ელექტროგადამცემი ქსელის გაძლიერების პროექტი) ფარგლებში (რატიფიცირებულია საქართველოს პარლამენტის 2014 წლის 2 ოქტომბრის №2683-1ს დადგენილებით), „ახალციხე-ბათუმის“ 220 კვ ორჯაჭვა ელექტროგადამცემი ხაზის მშენებლობის პროექტის ზემოქმედების არეალში მოქცეულ მოსახლეობასა და მიწის ნაკვეთებთან დაკავშირებით განსახორციელებელი ღონისძიებების შესახებ, რომელიც ასახულია მსოფლიო ბანკთან შეთანხმებულ განსახლების პოლიტიკის ჩარჩო-დოკუმენტში.

2. შეთანხმებულ იქნეს მსოფლიო ბანკის მიერ 2016 წლის 4 აპრილს შეთანხმებული „ახალციხე-ბათუმის“ 220 კვ ორჯაჭვიანი საპაერო

ელექტროგადამცემი ხაზის მშენებლობის პროექტის II სეგმენტის პირველი სექციის (კმ 0 - კმ 7.7) განსახლების სამოქმედო გეგმა (RAP).

3. სს „საქართველოს სახელმწიფო ელექტროსისტებამ“ მსოფლიო ბანკთან შეთანხმებული განსახლების პოლიტიკის ჩარჩო დოკუმენტისა და განსახლების სამოქმედო გეგმის შესაბამისად:

ა) მოახდინოს ახალციხიდან ბათუმამდე 220 კვ ორჯაჭვა ელექტროგადამცემი ხაზის მშენებლობის პროექტის II სეგმენტის პირველი სექციის (კმ 0 - კმ 7.7) ზემოქმედების არეალში მოხვედრილი მოსახლეობისგან პროექტის მიზნებისთვის საჭირო მიწის ნაკვეთების, მასზე დამაგრებული შენობა-ნაგებობების (ქონების) რეგისტრაციისათვის საჭირო დოკუმენტაციის/ინფორმაციის გამოთხოვასა და სსიპ - საჯარო რეესტრის ეროვნულ-სააგენტოში რეგისტრაციასთან - დავავშირებული თანხების ანაზღაურება, საჭირო მიწის ნაკვეთების და ქონების გამოსყიდვა და სხვა სახის კომპენსაციის გაცემა. ამ განკარგულებით გათვალისწინებულ პროექტზე ვრცელდება საქართველოს მთავრობის 2011 წლის 29 დეკემბრის №509 დადგენილებით დამტკიცებული „საქართველოს იუსტიციის სამინისტროს მმართველობის სფეროში მოქმედი საჯარო სამართლის იურიდიული პირის - საჯარო რეესტრის ეროვნული სააგენტოს მიერ გაწეული მომსახურების საფასურის განაკვეთები, საფასურის გადახდევინების წესი და მომსახურების ვადების“ მე-6 მუხლის „უ“ ქვეპუნქტით გათვალისწინებული შეღავათები;

ბ) უზრუნველყოს ასაშენებელი „ახალციხე-ბათუმის“ 220 კვ ორჯაჭვიანი საპარო ელექტროგადამცემი ხაზის პროექტის ზემოქმედების ქვეშ მოქცეული, ანძის პოლიგონების განთავსებისათვის საჭირო სახელმწიფო, აჭარის ავტონომიური რესპუბლიკის, შუახევისა და ქედის მუნიციპალიტეტების საკუთრებად რეგისტრირებული ან/და დასარეგისტრირებელი ქონების იდენტიფიცირება, დასარეგისტრირებელი

ქონების რეგისტრაციისათვის საჭირო შესაბამისი დოკუმენტაციის მომზადება და აღნიშნულ ქონებაზე საკუთრების უფლების რეგისტრაციის მიზნით, ამ დოკუმენტაციის სსიპ - საჯარო რეესტრის ეროვნული სააგენტოსათვის საკუთრების უფლების რეგისტრაციის მოთხოვნის უფლებამოსილების მქონე უწყებისათვის წარდგენა.

4. ეთხოვოს აჭარის ავტონომიური რესპუბლიკის მთავრობას, შუახევისა და ქედის მუნიციპალიტეტებს:

ა) ამ განკარგულების მე-3 პუნქტის „ბ“ ქვეპუნქტით გათვალისწინებული იმ ქონების, რომელიც რეგისტრირებულია მათ საკუთრებაში, კანონმდებლობით დადგენილი წესის შესაბამისად, სახელმწიფოს საკუთრებაში გადაცემის საკითხის განხილვა;

ბ) ამ განკარგულების მე-3 პუნქტის „ა“ ქვეპუნქტით გათვალისწინებულ იმ ქონებაზე, რომელიც იმყოფება ახალციხიდან ბათუმამდე 220 კვ ორჯაჭვა ელექტროგადამცემი ხაზის მშენებლობის პროექტის II სეგმენტის პირველი სექციის (კმ 0 - კმ 7.7) ზემოქმედების არეალში მოხვედრილი მოსახლეობის სარგებლობაში, განახორციელონ სათანადო ღონისძიებები მოსახლეობის მიერ საკუთრების უფლების რეგისტრაციის ხელშეწყობის მიზნით.

5. დაევალოს საქართველოს ეკონომიკისა და მდგრადი განვითარების სამინისტროს მმართველობის სფეროში მოქმედ სსიპ - სახელმწიფო ქონების ეროვნულ სააგენტოს, უზრუნველყოს კანონმდებლობით დადგენილი წესის შესაბამისად ამ განკარგულების მე-3 პუნქტის „ბ“ ქვეპუნქტით გათვალისწინებული ქონების და ამ განკარგულების მე-4 პუნქტის „ა“ ქვეპუნქტის შესაბამისად სახელმწიფო საკუთრებაში გადაცემული ქონების სს „საპარტნიორო ფონდის“ კაპიტალში შეტანა, შემდგომში სს „საპარტნიორო ფონდის“ მიერ ამავე ქონების სს „საქართველოს სახელმწიფო ელექტროსისტემის“ კაპიტალში შეტანის მიზნით.

6. სს „საქართველოს სახელმწიფო ელექტროსისტების“ მიმართვისა და კანონმდებლობით გათვალისწინებული დოკუმენტაციის წარდგენის შემდეგ საქართველოს იუსტიციის სამინისტრომ და მის მმართველობის სფეროში მოქმედმა სსიპ - საჯარო რეესტრის ეროვნულმა სააგენტომ უზრუნველყონ ამ განკარგულების მე-3 პუნქტით გათვალისწინებული სასოფლო-სამეურნეო დანიშნულების მიწის ნაკვეთების მიზნობრივი დანიშნულების შეცვლა მოქმედი კანონმდებლობის შესაბამისად.

7. „ფიზიკური და კერძო სამართლის იურიდიული პირების მფლობელობაში (სარგებლობაში) არსებულ მიწის ნაკვეთებზე საკუთრების უფლების აღიარების შესახებ“ საქართველოს კანონის მე-6 მუხლის მე-5 პუნქტის საფუძველზე, ახალციხიდან ბათუმამდე 220 კვ ორჯაჭვა ელექტროგადამცემი ხაზის-მშენებლობის პროექტის II სეგმენტის პირველი სექციის (კმ 0 - კმ 7.7) ზემოქმედების არეალში მოხვედრილი ფიზიკური პირები გათავისუფლდნენ თვითნებურად დაკავებულ მიწაზე საკუთრების უფლების აღიარების საფასურისაგან.

8. ძალადაკარგულად გამოცხადდეს „საქართველოსა და რეკონსტრუქციისა და განვითარების საერთაშორისო ბანკს (IBRD) შორის 2014 წლის 3 სექტემბერს გაფორმებული სასეხო ხელშეკრულებით გათვალისწინებული 220 კვ საპარაკო ელექტროგადამცემი ხაზის „ახალციხე-ბათუმის“ მშენებლობის პროექტის II სეგმენტის პირველი სექციის (კმ 0 - კმ 19,2) განხორციელებასთან დაკავშირებით გასატარებელი ღონისძიებების შესახებ“ საქართველოს მთავრობის 2015 წლის 18 მაისის №993 განკარგულება.

პრემიერ-მინისტრი



გიორგი კვირიკაშვილი